

趙城縣廣勝寺



諸法最上王經

羊

隋北印度三藏闍那崛多譯

復次說此法時婆伽婆遊於王舍竹林迦蘭陀精舍與大比丘眾一千二百五十人俱舊結髮優婁頻螺迦葉為首志阿羅漢諸漏已盡應作者作所作已辦棄捨重擔得到自利盡諸有結正智心好解脫皆心自在到第一岸惟除一人謂命者阿難陀時婆伽婆於十五日當作布薩露地而坐諸比丘圍繞恭敬面皆向佛尔時有一比丘出家未久彼日受具足戒來詣佛所到已頂礼佛足右繞三匝合掌白言世尊我近出家今日受戒願為我說云何受聚落食而名善食云何食已為淨福田當得第一利益時彼比丘向佛說此伽他

我出家未久 今日受具戒 世尊為我說
云何得淨施 我為此故行 捨家不畜家
如是淨於施 彼義復為說

如是語已佛言比丘善觀善作正念當為汝說如比丘不虛受聚落食食

諸法最上王經 第二卷 羊字号

已淨施是故善家子善家女捨家不畜於家行無上行當得究竟勝處如是比丘入僧中見僧業合僧利具此三法不虛受聚落食食已淨施當得第一利益尔時世尊說此伽他

眾生若入僧 亦念於僧業 復合於僧利 彼能淨施福

時彼比丘白言世尊我今聞佛如是略教不解其義世尊云何比丘入僧中見僧業合僧利時彼比丘說此伽他去何入於僧 而見於僧業 為我說僧利聞已我等知

如是語已佛言比丘善作心聽我今為汝說僧及以僧業僧利比丘白言甚善世尊如是樂聞佛言比丘云何名僧僧者四雙八輩富伽羅是名為僧當善與食向其合掌是能淨施名為福田諸天及人皆須供養尔時世尊說此伽他

我今說四雙 八輩富伽羅 是等名為僧 無上勝福田

比丘云何名為僧業其僧業者四念處四正斷四神足五根五力七覺分

八聖道是名僧業尔時世尊說此
伽他

常勤寂勝道 所謂八聖分 如彼所說僧
彼業正如是

比丘云何名為僧利其僧利者四沙
門果何者為四一者須釐多阿般那

果二者塞訖利陀伽弥果三者阿那
伽弥果四者阿羅漢果是名僧大利

尔時世尊說此伽他

大身有大利 彼僧富伽羅 如沙門四果
能淨於施福

如是語已比丘白言世尊如世尊所

說入僧中見僧業合僧利彼人善受
聚落施食食已得淨施福到第一利

世尊若復有人發於大乘為知遍智
捨家出家彼富伽羅僧中不見僧

業不合僧利不如是語已佛言甚善
比丘汝於如來應正遍知乃能念問

是義比丘汝大吉祥辯才勝妙善問
是義比丘汝善思念故能問如來是

義比丘此皆佛威神力令汝今生如
是辯才欲得問此句義亦是汝宿願

力能如是問是故比丘善聽善念我

為汝說比丘白言甚善世尊我今樂

聞佛言比丘汝意所云彼富伽羅發
於大乘為知遍智捨家出家彼富伽

羅僧中不見僧業不見僧利不比
丘彼富伽羅僧中不見僧業僧利皆

亦不見尔時世尊說此伽他

彼僧中不見僧業亦不見僧利亦不見
彼發菩提故

如是語已比丘白言世尊何因何緣

聽彼富伽羅等出家聽彼受聚落食
而彼富伽羅僧中不見僧業僧利皆

亦不見世尊云何彼類富伽羅能淨

施福而彼富伽羅僧中不見僧業僧
利皆亦不見如是語已佛言比丘汝

何須以此問而問彼比丘復言世尊
彼富伽羅云何能淨施福佛復告言

汝何須以此問而問彼比丘復言世
尊彼富伽羅僧中不見僧業僧利皆

亦不見云何能淨施福尔時世尊見
彼比丘三度請已即現微笑便作神

通依如是類神通作已眉間毫相出
大光明其光復有無量百千種種異

色此光威力遍照三千大千世界乃

至諸大海內所有眾生彼皆未曾見

聞是光今見光故心驚毛豎其非想
非非想天彼等亦悉於一念時以佛

力故知此光明佛眉間出見此光已
心驚毛豎時三千大千世界四天王

天乃至色界無色界天悉詣王舍大
城竹林迦蘭陀精舍到已頂禮佛足

右繞無量百千匝已在於佛前正念
合掌恭敬曲躬不動不倚目未曾瞬

生尊重心愛心喜心躍心堪心熾心
淨心無障尋心樂欲聽法却住一面

時此三千大千世界大神力諸天等

諸龍夜叉羅刹捷闍婆阿修羅迦留

荼緊那羅摩睺羅伽人非人等諸天
主龍主夜叉主捷闍婆主阿修羅主

迦留荼主緊那羅主摩睺羅伽主人
非人主等從於地下乃至有頂無有

一豎杖處而不充滿彼時三千大千
世界所有比丘比丘尼優婆塞迦優

波斯迦及諸世間依地行住雜類眾
生以佛神力悉見佛光心驚毛豎辟

如大力丈夫屈申辟項如是彼皆以
佛威力於一念時向王舍城竹林迦

諸法取上王經 第六張 羊字号

蘭陀精舍到已頂礼佛足右繞三匝
在於佛前正念合掌恭敬曲躬生尊
重心愛心喜心躍心堪心軟心淨心
無障寻心目未曾瞬瞻仰世尊其身
不動於一面住時此三千大千世界
若城内外及障隔間有大小河諸水
生處彼皆依法順流少聲又復所有
諸障隔内及虚空裏衆鳥等聲以佛
神力各相應和如是爲馬牛羊乃至
山牛水牛等以佛神力皆安本處及
諸大海衆生亦以佛力各住自分不
相觸惱時此世界所有諸天以佛神
力皆默然住及天音樂亦志无聲時
此世界諸惡衆生嚴熾毒心樂造衆
惡乃至作諸逆等皆以佛力於一念
時各各相愛猶如親友生利益心樂
心軟心能作業心喜心淨心無障尋
心笑顏先語眉不顯感語則柔滑不
急不廝其所發言令人愛樂老少中
年各得其所當於尔時此大千界乃
至無有聲效等聲以佛神力衆生默
住所有風氣溫柔且香衆生樂觀莫
不歡喜亦不吹動諸樹枝葉及藥草

諸法取上王經 第七 羊字号

等皆以佛力有如是事如第八人入
滅盡定無出入息此諸天衆默然而
住亦復如是以彼比丘宿願功德勝
住持力故及佛功德勝住持力故
尔時命者奢利弗知皆默然承佛神
力拱座而起一肩郁多羅僧伽作已
右膝著地合掌曲躬一心瞻仰爲令
大衆安隱利益心淨無障欲聞法門
如彼比丘所問佛義及佛放光諸天
人等來集因緣白言世尊非無因緣
如來現笑及放光明今者瑞相有何
因緣乃至諸大衆集默然而住時奢
利弗說此伽他
諸佛取勝非無因 勝人何故現瑞相
世尊今速說此義 何緣作是大神通
百千多衆生 及那由多等 今來於此集
以見神通故 世尊此何因 世尊此何緣
何故大衆身 今日來集此 佛能知此義
何緣故衆集 世尊慈愍我 爲我說是義
諸天及世人 普皆起尊重 合於十指掌
瞻仰二足尊 志捨天宮殿 天子等來此
尊重樂聽法 瞻仰二足尊 捨離於龍宮
無量龍來集 世尊當說何 如是神變義

諸法取上王經 第八 羊字号

捨離夜叉宮 無量夜叉集 佛今當說何
如是神變義
時奢利弗說此伽他已默然而住
是梵音丈夫 雷鼓聲大吼 爲奢利弗說
如是神變義 其彼新比丘 今日受具戒
奢利彼問我 以爲諸菩薩 彼云何出家
彼業復何以 受於聚落食 云何得淨施
奢利是義故 出眉間毫光 此光大威力
遍照於世界 奢利是義故 諸天衆志集
合於十指掌 瞻仰二足尊 奢利是義故
龍夜叉來集 欲乳雲雷聲 至於如來所
奢利是義故 不思億衆集 皆得阿羅漢
漏盡到涅槃 奢利是義故 不思億衆集
志當發是意 爲獨覺因緣 奢利是義故
不思億衆集 鎧甲當自嚴 爲於佛智故
奢利是義故 不思億衆集 於大乘不退
得取勝菩提 聞此句義已 因是故佛記
剛志悔惡行 億衆得如是 聞此句義已
於後末世時 千億數衆生 住於寂勝道
除彼菩薩已 於後末世持 若能時此經
終無有是處 除彼菩薩已 於後末世時
若聞此經者 無智者不信 彼衆生少信
不能發菩提 若聞此經時 數數生疑惑

善不信此經 常住於生死 泥黎為行處
 畜生是園林 彼於天人道 皆破無有分
 不破此經者 於後末世時 彼諸天人等
 皆得阿羅漢 若在彼前說 彼亦生疑心
 若得獨覺道 滿於十方界 若在彼前說
 彼心不生疑 無有不修善 得聞如是說
 若健成就義 乃能聽此道 為於菩薩故
 我說此經法 於中修行已 當成二足尊
 尔時世尊說此伽他已 告奢利弗言
 彼新比丘出家未久 今日受戒彼來
 問我發大乘人云何受聚落食而若
 善食食已能淨施福奢利弗以彼比
 丘問是義故無量阿僧祇百千俱致
 那由多衆生來集皆欲問我解說是
 義奢利弗我今若欲解說顯亦分別
 是義令淺易解彼无量衆得大利益
 如是語已奢利弗自言世尊今正是
 時願為解說佛言奢利弗我今若說
 此句義時或有衆生其心迷悶何以
 故此大施主不可思施戒忍精進定
 智大師子吼皆不可思此大衆生不
 可思法其諸凡夫及二乘等不能分
 別信入解知惟除不退菩薩摩訶薩

等奢利弗我見此故彼雖三請猶默
 不說奢利弗復言婆伽婆如來應正
 遍知願為解說乃至令多衆生當得
 正信佛言奢利弗我若解說此句義
 時衆生迷悶何以故施等諸法皆不
 可思乃至我見此故彼雖三請猶默
 不說奢利弗復言世尊為多衆生利
 益安樂慈憐彼等願為說之於未來
 世有菩薩摩訶薩發大乘者聞此句
 義生愛重心當得正信修種種業以
 大鎧甲而自莊嚴尔時世尊見奢利
 弗三度請已告奢利弗言菩薩摩訶
 薩不須淨施何以故菩薩摩訶薩從
 初發心乃至成道畢竟常淨施故何
 以故菩薩摩訶薩於諸衆生是無上
 福田故若諸衆生以諸樂具供養善
 薩猶不能報菩薩作息尔時世尊說
 此伽他
 若有發心者 為佛智目緣 從初發心來
 彼即淨於施 若有發心者 為佛道目緣
 彼不須淨施 本來淨施訖 諸天及世人
 常須精勤意 承事彼健者 大智慧菩薩
 彼諸天人道 皆由菩薩成 智者一發心

已能淨諸施 不依欲色界 及於無色界
 以無依倚心 諸施皆已淨
 尔時世尊說此伽他已 告奢利弗言
 奢利弗為汝說喻令此義滿何以故
 我說喻者令諸智人正知義故奢利
 弗假使菩薩受諸衆生所奉衣服大
 如閻浮洲等從初發心日日受用如是
 衣服皆能淨施何以故菩薩於諸衆
 生是無上福田故奢利弗假使菩薩
 受諸衆生所奉飯食大如須迷留山
 等從初發心日日受用如是飲食皆
 能淨施何以故菩薩於諸衆生是無
 上福田故奢利弗假使菩薩受諸衆
 生所奉牀座廣四天下高須迷留山
 亦如彼山七寶莊飾敷以天衣其衣
 細軟從初發心日日受用如是妙座
 皆能淨施何以故菩薩於諸衆生是
 無上福田故奢利弗若有如是重閣
 寶殿及以无量樓閣窓牖幡蓋鈴網
 雜色莊嚴七寶垣牆七重圍繞辟如
 他化自在天宮亦有無量諸劫波樹
 諸音樂樹香華果樹瓔珞樹等處處
 安置无量香瓶滿諸華池具八分水美

諸法華上王經 第十二卷 羊字號

而清冷無穢無垢諸華覆上金沙布
 底水色徹淨猶如鞞琉璃夜七寶欄
 楯七重周匝四方正齊有四階道諸
 華池中皆有寶殿復有寶池七行圍
 繞懸諸繒綵及安寶瓶雜色莊嚴甚
 可愛樂其中牀座七寶所成無量百
 千那由多數東西南北隨方而敷燒
 香散華覆以寶帳奢利弗假有斯等
 寶殿寶牀衆生悉以奉上菩薩菩薩
 取之從初發心日日受用皆能淨施何
 以故菩薩於諸衆生是無上福田故
 奢利弗汝今當知世及出世所有善
 法悉由菩薩而得出生所謂剎帝利
 大家婆羅門大家長者大家若王若
 轉輪王若四天王天三十三天須夜
 摩天欄兜率多天善化天他化自在
 天及色界無色界天若住初果乃至
 四果若趣獨覺及得獨覺若得無上
 正遍知道轉正法輪若人聞彼所說
 正法如聞能行行已即住聲聞四果
 乃至或發求獨覺意或發無上正遍
 知心若聞說施即修施業修已得生
 剎帝利婆羅門長者等家乃至或得

諸法華上王經 第十三卷 羊字號

轉輪王位若聞說戒即修戒業修已
 得生四天王天乃至他化自在天若
 聞演說四無量意如聞能行行已得
 生色無色界奢利弗是故當知此等
 悉由菩薩出生奢利弗辭如阿那婆
 但鍛多龍王以其威力出四大河何
 者為四所謂恒伽辛豆薄又私多如
 是四河一皆有五百小河以為眷
 屬恒伽大河及其眷屬流入東海令
 彼海滿辛豆大河及其眷屬流入南
 海令彼海滿薄又大河及其眷屬流
 入西海令彼海滿私多大河及其眷
 屬流入北海令彼海滿於意云何此
 四大河及其眷屬次第入海其所行
 處四方衆生有利益不奢利弗言世
 尊於諸衆生作無邊益若人非人悉
 蒙大潤所有近河稻麻豆麥種種田
 苗皆得其潤佛言奢利弗於意云何
 彼四大海誰能滿之奢利弗言世尊
 此四大河令彼海滿佛言奢利弗於
 意云何彼四大海於諸衆生有利益
 不奢利弗言與諸水陸所有衆生作
 大利益所謂龜魚等類及捕魚人復

諸法華上王經 第十四卷 羊字號

有夜叉羅剎阿修羅畢奢避龍地摩
 睺羅伽等并餘無量雜類衆生若是
 衆生宮舍住處種種寶滿所謂珊瑚
 鞞琉璃夜帝釋青寶車渠摩尼珠貝
 等珍并餘無邊諸寶住處皆出大海
 與諸雜類而作利益人得受用其益
 甚多佛言奢利弗於意云何四大海
 水從何而出奢利弗言世尊從阿那
 婆但鍛多池出佛言奢利弗其阿那
 婆但鍛多龍王免於三怖何者為三
 所謂金翅鳥怖熱沙燒怖行姪欲時
 作地形怖如是三怖患已免之奢利
 弗其阿那婆但鍛多龍王宮舍惟是
 神通禪定者居若有入者若有見者
 皆不被燒奢利弗言世尊彼大龍宮
 具足希有奇特勝法所謂諸龍怖者
 彼大龍王悉無是事彼處所生諸衆
 生等及入彼者亦無是怖以是神通
 有成德者所居處故世尊阿那婆但
 鍛多大龍王乃有無量功德具足出
 四大河趣四方海利益衆生當得安
 樂佛言如是如是奢利弗當知菩薩
 摩訶薩亦復如是奢利弗如阿那婆

恒斂多大龍王得免三怖菩薩摩訶
薩亦免三怖何者為三所謂泥犁耶
怖畜生怖閻摩世怖奢利弗如阿那
婆恒斂多大池出四大河四方流注
如是菩薩以四攝事攝取眾生何者
為四所謂布施愛語利行同事奢利
弗如彼大海從阿那婆恒斂多大池
所出如是諸佛遍智從菩薩生奢利
弗如彼大海無量百千那由多俱致
諸眾生等之所依住具足安樂當知
如是三有諸所生類皆依諸佛遍智
而住所謂欲有色有及無色有奢利
弗以是義故當知所有三千大千世
界諸安樂具悉由菩薩而得出生何
以故菩薩發心便有修行既修行已
便有受記既受記已便得阿耨多羅
三藐三菩提得菩提已便轉法輪如
是法輪於先未轉若沙門若婆羅門
若天若魔若梵及以餘眾無能轉者
彼為眾生轉法輪時其所說法初中
後善義味具足淳一清淨說於梵行
令四眾知何者為四所謂比丘比丘
尼優婆塞迦優波斯迦以是因緣無

量無數諸眾生等受天人樂無有斷
時永絕眾苦不離諸樂奢利弗於意
云何如是樂法從何處生奢利弗言
世尊從菩薩生奢利弗於意云何汝
見三有所出諸法從誰而生奢利弗
言世尊從菩薩生奢利弗於意云何
三有所出諸供養具以此供具供養
菩薩能報菩薩於先所作利益恩不
奢利弗言不也世尊何以故從彼生
故世尊如有貧人貧無財物更有富
人發大慈悲乃以百千無量無數諸
財寶等與彼貧人復有第二第三貧
人亦如是與乃至以諸財寶與彼百
千無量無數諸眾生等皆使富足若
有驚怖鬪諍繫縛等苦悉令免脫復
免所有惡道眾苦令具無量諸天人
樂其眾生中若有一人以水精珠破
為百分於百分中取其一分將至彼
先得恩人所語彼人言汝先與我作
利益事我今故來報汝此事世尊彼
於眾生作大利益一人但以一分水
精與彼丈夫是為報不佛言不也奢
利弗言如是婆伽婆如是修伽多當

知彼菩薩者如彼丈夫於諸眾生作
大利益一人但以一分水精不能報
恩如是世尊發大乘人眾生若以隨
意樂具乃至命盡常逐供養雖作是
事不能報恩佛言甚善甚善奢利弗
善順佛教如佛弟子所為作事奢利
弗若諸眾生以己皮肉筋骨骨髓或
捨其身乃至百千欲報菩薩所為利
益於百分中不報一分乃至俱致百
千分阿僧祇分等數譬喻亦不能報
何以故奢利弗若發阿耨多羅三藐
三菩提心者於諸眾生作大利益奢
利弗辟如此閻浮洲有栴檀樹若
牙生時童男童女所有患者與此樹
牙悉差其患若葉出時丈夫婦人童
男童女所有患者與此樹葉悉差其
患若樹大時入其陰者眾生諸患亦
皆除愈於後成果其光遍照十方世
界若有眾生念此光者彼亦當得无
老病死若斫此樹取其木者不畏貧
窮彼木破已猶有此益若取其木將
作宅舍入其內者諸怖患除亦皆無
有寒熱飢渴如是奢利弗其栴檀

諸法取上主經 第十八張 羊字號

諸法取上主經 第十八張 羊字號

諸法取上主經 第十八張 羊字號

樹牙葉華果長大時乃至斫取或積為舍無不皆與諸眾生等作大利益如是奢利弗當知菩薩摩訶薩發阿耨多羅三藐三菩提心時以四攝法攝取眾生何者為四所謂布施愛語利行同事令彼眾生志得安樂令彼樂已便能順入三解脫門何者為三所謂空無相無願彼既增長便得具足无上法忍乃至究竟得遍智果既得果已當於無餘大涅槃界而取滅度於滅度時自碎舍利如芥子許亦作住持奢利弗如栴檀樹斫取其木諸方將去入彼木舍諸欲熱惱後不復發如來舍利亦復如是奢利弗以是義故當知若善家子善家女等發阿耨多羅三藐三菩提心者乃得報彼先所作恩何以故奢利弗若發阿耨多羅三藐三菩提心者彼即不斷如來教行不斷聲聞獨覺等地能斷眾生所有諸苦及人天苦奢利弗於意云何更有餘人共彼人相似不奢利弗言不也世尊彼人若人若天若魔若梵若沙門若婆羅門若復餘

衆以諸樂具與彼菩薩无能報彼先所作恩奢利弗若以一劫若減一劫若百劫若干劫若百千劫若百千俱致由多劫與諸樂具能得報不奢利弗言不也世尊佛言是故奢利弗若善家子善家女等欲得報彼所作恩者當發阿耨多羅三藐三菩提心然可共彼相似一等報其先恩奢利弗言如是世尊當知如彼阿與還須似彼阿與而報若於世間無等人阿欲報恩者還發无上無與等心於未來佛欲作無上報者彼善家子善家女等亦須發阿耨多羅三藐三菩提心如是乃得名為報恩奢利弗有二種富伽羅以無所供養如來何者為二有富伽羅到諸漏盡有富伽羅發阿耨多羅三藐三菩提心爾時世尊說伽他言

二種富伽羅 彼能供養佛 漏盡發覺心 是名為二種 三有諸世間 亦無有財施 欲與彼大士 而能報其恩 諸色香味等 所愛及稱心 而施於彼人 亦不名供養 若發善提心 為於善提果 此乃無所求

而名上供養 諸天及世人 及以諸魔世 所須者皆與 亦不名報恩 彼無所乏少 彼亦不生欲 故於大士所 不名為供養 若有人欲得 供養於佛者 彼須發是欲 當求於善提 若欲作功德 數數无有量 彼須發善提 當疾作尊重 若欲求諸禪 欲修无量念 彼須生精進 為佛智因緣 若欲得諸樂 破壞於諸苦 彼須發是欲 為於佛善提 若欲見無量 阿僧祇諸佛 作尊重心已 喜樂發善提 若人欲詣彼 無邊諸世界 須發大精進 喜樂發善提 若人心喜樂 過去佛善提 須發善提心 當修善提行 若人疾欲見 未來諸佛者 須發善提心 當修善提行 若人欲得見 現在諸佛者 彼須常喜樂 為修於善提 若人起慈意 欲遍諸眾生 須生是欲心 為佛善提故 若欲於眾生 今脫諸苦者 數數當須學 彼無上智慧 若欲與眾生 無量无边樂 彼須發是欲 求勝佛善提 若人欲捨彼 所有諸惡趣 彼須發是欲 為求於善提 彼功德无边 不能具盡說 若發如是意 當覺善提 佛說伽他已 奢利弗白言世尊說是

法門幾許衆生發阿耨多羅三藐三菩提心佛言奢利弗汝今何須問如是義何以故奢利弗如來大智若說是者無邊衆生心皆迷惑何以故奢利弗如來所有戒定智通悉無有量奢利弗於意云何有人能知虛空邊際過去世中無有知者未來現在亦無人知佛言如是奢利弗如來大智諸有衆生聲聞獨覺去來現在悉無知者何以故奢利弗此是佛智非諸聲聞獨覺地境奢利弗自言世尊未曾有也彼諸衆生發阿耨多羅三藐三菩提心者當得如是善决子智佛言奢利弗如是如是如汝所言彼諸衆生菩薩摩訶薩當得如是善决了智奢利弗自言世尊彼菩薩摩訶薩云何當得善决了智佛言奢利弗於意云何此閻浮洲所有衆生若陸若水若空若地漸次修行悉得人身若復有人教持五戒或住十善奢利弗是善家子善家女以此因緣功德多不奢利弗言甚多婆伽婆甚多修

伽多乃至不可為喻佛言奢利弗我今更說令汝樂聞其閻浮洲所有衆生悉教五戒具十善道其人於此所得功德復有一人惟教一人住信行地此善家子善家女功德多彼奢利弗於意云何若有教一閻浮洲中所有衆生住信行地功德多不奢利弗言甚多婆伽婆甚多修伽多彼人功德不可為喻无量無邊多於前者又奢利弗若有善家子善家女惟教一人住法行地功德多彼教諸衆生住法行地若教一人住八人地功德多彼教諸衆生住八人地若教一人住於初果功德多彼教閻浮洲所有衆生住於初果若教一人住第二果功德多彼教閻浮洲所有衆生住第二果若教一人住第三果功德多彼教閻浮洲所有衆生住第三果若教一人住第四果功德多彼教閻浮洲所有衆生住第四果若教一人住獨覺道功德多彼教閻浮洲所有衆生住獨覺道若教一人住阿耨多羅三藐三菩提心功德多彼教閻浮洲所有

衆生住阿耨多羅三藐三菩提心若教一人住不退法功德多彼教閻浮洲所有衆生住不退法若教一人疾得遍智功德多彼教閻浮洲所有衆生疾得遍智若復有人於此法門生菩薩智破魔羅業捨五聚不共界離諸入壞煩惱攝助白法滅助黑法以此諸法最上王經為他廣說所得功德多彼無量奢利弗置閻浮洲乃至四洲如是若千世界若二千世界若三千大千世界乃至東方恒伽河沙數等世界衆生若有色若无色若有想若無想若非有想非無想若水若陸卵生胎生濕生化生如是等類漸次修行悉得人身乃至十方世界衆生亦漸次行悉得人身若人盡教住於五戒具十善道奢利弗於意云何彼人所得功德多不奢利弗言甚多婆伽婆甚多修伽多无量無邊不可為喻佛言奢利弗若有善家子善家女於此諸法最上王經聞而不諂若更增聽若受若持若讀若誦若為他說以先功德於百分中不及一分千

諸法取上王經 第十四張 羊字第

分百十分俱致分百千那由多俱致
分乃至等數譬喻所不能及又奢利
弗若教十方世界諸衆生等悉住信
行法行八人四果獨覺等地乃至發
心住不退法無生法忍疾得遍智若
有善家子善家女於此諸法取上王
經受持讀誦為他廣說此功德聚於
前功德為最勝為最上為最多為最
妙為微妙為無比為無上為無上上
為無相似於無似中得無似福奢利
弗以是義故應當知彼衆生有是善
決了智發阿耨多羅三藐三菩提心
聞此法門生信心者奢利弗如是衆
生當云不退轉當云解脫當云度當
云寂當云大寂當云澡浴當云調伏
當云無上當云无上上當云到涅槃
當云已滅度當云能說法當云能說
義當云說實當云說真當云如語而
作當云捨重擔當云離欲當云離瞋
當云離癡當云無垢當云洗已清淨
當云到彼岸當云聞者當云吐欲當
云吐瞋當云吐癡當云過諸惡當云
佛子當云福田當云猛健當云健丈

諸法取上王經 第十五張 羊字第

夫當云勝色分當云降伏他軍當云
師子當云丈夫當云大丈夫當云勝
丈夫當云無畏丈夫當云有志丈夫
當云大有志丈夫當云調順丈夫當
云大丈夫王當云超越丈夫當云能
降健大夫當云人師子當云人牛當
云龍當云天當云天中天當云婆羅
門當云離惡當云無尋當云无縛當
云无慳當云無毒當云不愚當云不
共當云不雜當云不雜言當云正念
言當云無上言當云无上上言當云
取勝言當云不沫言當云不著言當
云不縛言當云決了言當云所言皆
實當云所言皆真當云具諸功德當
云應作者作當云作者已辦當云諸
作者達當云具足慙愧當云多作當
云多作利益當云慈當云具諸功德
法當云棄諸非功德當云諸事具足
當云不染當云普不染當云不怯當
云不怖當云不驚當云不恐當云不
弱當云不馳散當云無量无边功德
法行具足當云山當云須迷留山當
云迷留山當云輪山當云大輪山當

諸法取上王經 第十六張 羊字第

云不可動當云施者當云施主當云
所有皆捨當云善施當云和顏悅色
當云具施當云持戒當云忍當云精
進當云定當云智當云修神通當云
神通已達當云到諸處當云大勢至
當云力至當云到安隱處當云已度
彼岸當云學諸佛當云不斷佛行當
云於諸佛法悉得願滿當云破魔羅
怨當云摧諸毒刺當云令魔羅力弱
當云散魔羅軍衆當云令魔羅黨壞
當云坐佛道場當云已却毒刺當云
除魔羅敵當云隨順覺當云令順流
者逆流當云岸當云能度當云已度
當云自得脫教當云破暗當云月當
云日當云無邊光當云无寻光當云
不可思光當云難稱光當云不可量
光當云至諸處光當云普光當云不
著欲界當云不著色界當云不著無
色界當云泥犁耶解脫當云畜生解
脫當云閻魔世解脫當云令泥犁耶
清凉當云令畜生清凉當云令閻魔
世清凉當云能與所須當云棄捨諸
衰當云滅諸苦當云示諸樂當云轉

輪王當云世間父當云出世間當云世間解脫當云免世間當云亦伏藏當云建立菩薩當云發起菩薩當云開伏藏當云亦昔諸佛秘藏當云不可思處能思當云无边際功德法具足

尔時世尊以無數劫淨心莊嚴所出言音具足功德所謂最上者亦教他者順義者甚深者不可伏者微妙者可聞者喜者清淨者悅耳者向心者可愛者滿足者多人喜愛者滑澤者不澁者善度前後際者愛如己子者喜出者善合者可入者文字相續決了者善斷諸疑者淳直行者膏潤者似梵天音者雷聲妙者真善決了者似迦陵頻伽鳥聲者淨直行者能淨直友者斷無量疑惑者無依倚者能安慰他者可念者能薄諸使者諸入圓者新諸諍論者前際已來不詐善者非向真出者多種百千相應者智慧讚歎令世間愛及安樂者與第一義門者無過失者共相應者與善時相應者能鳴者善分別字句者決了

諸淨句者滅多欲刺者滅多瞋刺者滅多癡刺者能亦多義者證无边義者離六趣者離說道者離諸道言論者說天句者說龍句者說夜叉句者說捷闍婆句者說阿修羅句者說伽留茶句者說緊那羅句者說摩睺羅伽句者說意慈忍令喜信教者不諂者無處不行者無處著者無顛倒者自重不挑者常實法定者无曲者無偏者離暗賴者成利善相應者教授具足者最勝信者能破流轉暗者離惡違失句者能出分別諸句者除諸外論句者能決疑惑者滅諸苦法沒慶者最上如如淨自然行者與諸善法相應令喜者說諸善法與寂相應者離諸垢者純淨第一義相應者斷多疑相應者淨如心淨相應者所言不與非義相應者諸言辯才能說相應者隨其所欲而為廣引者以諸世語令眾生喜者多人愛敬者相應者解脫者善解脫者最勝者聲王者說安隱聲善相應者攝諸白法相應者善究竟者無邊光者作无边光者能

釋所問無邊法智者善能度者說諸樂法相應者說畢竟字句善究竟者說義字句相應者說字句无畢相應者說知足字句相應者說亦樂具字句相應者亦無量善根者說无量善根相應者以佛莊嚴而莊嚴相應者說無邊句相應者說不去不來字句端正者說無尋字句善究竟者說諸天阿修羅言教不絕相應者說字句相應不闕少者說字句相應不雜亂者說字句相應不緩者亦明者作明者亦明及作明者亦超越者過超越者亦超越及過超越者說善持衣鉢行者於阿遮梨夜尊重勤攝相應者於優波弟耶夜尊重勤攝相應者常淨法智淨已復能淨者勤攝第一字句者善說陀羅尼修多羅王者善說三輪修多羅菩薩藏般若波羅蜜出生者善說流轉摩尼藏華者善說八万四千法聚復亦現百千者發起菩薩令發菩提心者如願得三世諸佛法不著者已脫畢竟脫者聲至梵天者梵音者鳴音者離欲聲者離瞋者

諸法取上王經 第三張 羊字號

離癡者諸佛隨喜者諸佛歎可者如是等類所出言音世尊持三十二相法王輪如來具足八分寂為第一無量千種而以讚歎當於今時說此如他

若發菩提心此人決定到不須生疑惑我不得如來此人所有福不可譬喻比此人所有福得出生菩提无量無有邊所有眾界此人福勝彼如我前所說此人所得福於彼眾勝上發於菩提心無有福勝此餘經決定說不上於此經從此經學者是名為福利若聞此經者佛子隨順教福田及調伏我說是寂靜若聞此經者是天龍師子健人無恐怖名解脫調柔信向是經時大經無有上天中天上天眾生中無上何況得聞之能說及尊重彼所有辯才不可得窮極但聞是經者如是彼辯才亦如於虛空無有得其盡若持此經者具忍無有瞋戒行無怯弱大智慧明眼若信此經者是智彼邊得愛重於教師亦如愛父母能持此經者菩薩大智慧不倚於欲界色界及无色能持此經者菩薩摩訶薩

諸法取上王經 第三張 羊字號

疾得趣向彼無上菩提場能持此經者菩薩大智慧已怖波甲眾證無上菩提能持此經者菩薩大智慧當轉於法輪世所不能轉能持此經者菩薩大智慧世尊與其記當見如三佛能持此經者菩薩大智慧當去已滅度無餘如諸佛佛說如他已奢利弗白言希有婆伽婆如來為諸菩薩略說教法所謂菩薩摩訶薩阿僧祇劫修菩薩行而未覺無上正遍知道亦未得無上正遍知世尊於此經中說無有上彼諸眾生極得善利現於佛前得聞說此寂上經名所謂諸法上王法門甚善世尊如此法門今更說之何以故如我解佛所說義意諸過去佛已滅度者為諸眾生所說正法以此為上所謂諸法上王法門諸未來佛亦以此經為說法上所謂諸法上王法門我亦於世尊所聞說無量法門於義文字決定得解如我曾聞無勝此者甚善婆伽婆數數為我廣說此勝法門佛言奢利弗隨彼時節隨彼眾生心所信解隨彼眾生心所思惟而攝受之

諸法取上王經 第三張 羊字號

奢利弗此是佛智非諸聲聞獨覺地境說此法門時八万四千人發阿耨多羅三藐三菩提心六万眾發菩提心七十俱致欲行天未曾發阿耨多羅三藐三菩提心者今悉發心三十俱致眾得無生法忍无量地居諸天龍等未曾發菩提心者今悉發心奢利弗以是義故今更廣說此勝法門復於此時有無量千眾生比丘比丘尼優婆塞迦優波斯迦向佛合掌瞻仰尊顏默然而住

尔時世尊即便微笑諸佛笑時法從面門出雜色光無量百千種色所謂青黃赤白紫色頗梨色等普照三千大千世界靡不周遍蔽諸日月乃至梵世還來到此繞佛三匝從佛頂入時奢利弗見佛神通即從坐起一肩郁多羅僧伽作已右膝著地合掌白言大德世尊有何因緣而現此笑諸佛非無因緣而笑佛言奢利弗汝見比丘比丘尼優婆塞迦優波斯迦向我合掌目未曾瞬奢利弗言如是婆伽婆如是修伽多佛言奢利弗彼四

衆者志發大乘心欲聞菩薩行奢利
弗於中如來心行智慧若如來過去
不可得未來不可得現在不可得是
名菩薩行奢利弗若不得菩提若不
得心是名菩薩行奢利弗不得聚不
著界不取入是名菩薩行當隨順行
說此菩薩行時此三千大千世界六
種震動尔時魔羅波卑惶怖倒地及
魔羅衆天等亦皆倒地以是因緣而
說伽他言

破我及軍衆 走避不能脫 如今寂勝上
世依之所言 云何魔煩惱 諸力皆已失
今到無力處 聞此空法故 魔怖迷悶死
聞此無作法 無將去無行 何處有死者
尔時魔羅天子等從倒處起而作是
言甚善婆伽婆甚善大龍甚善大慈
作悲益心於諸衆生今日世尊令我
蘇息世尊大悲勿令我等非時橫死
尔時世尊說伽他言
汝魔者大錯 如來所說是 信我者甚少
住此富伽羅
尔時魔羅波卑得如來慰喻已歡喜
踊躍還得本心身及眷屬皆隱不現

諸法最上王經

諸法最上王經
校勘記

- 一 底本，金藏廣勝寺本。
- 一 一八四頁中二行譯者，石、資、磧、
普、南、徑、清作「隋天竺三藏法師
闍那崛（「崛」，磧無。）多等譯」。
- 一 一八四頁中四行末字「二」，麗作
「一」。
- 一 一八五頁下一三行「羅刹捷」，資、
磧、普、南、徑、清作「羅刹乾」。
- 一 一八五頁下二〇行首字「波」，徑、
清作「婆」。
- 一 一八六頁下七行第五字「以」，資、
磧、普、南、徑、清作「似」。
- 一 一八七頁上六行第三字「不」，石、
麗作「亦」。
- 一 一八七頁上七行第二字「健」，資、
徑、清作「建」。
- 一 一八七頁上一一行末字「若」，諸
本作「名」。
- 一 一八七頁上一四行第一〇字「問」，

諸本作「聞」。

一 一八七頁中一七行第八字「作」，

〔資、磧、普、南、徑、清作「之」。

一 一八七頁下一〇行第七字「飯」，

〔石、資、磧、普、南、徑、清作「飲」。

一 一八八頁中七行「薄叉」，〔資、磧、

普、南、徑、清作「博叉」，下同。

一 一八八頁中二一行第七字「海」，

〔資、磧、普、南、徑、清作「河」。

一 一八八頁下七行末字「海」，〔麗作

「河」。

一 一八九頁上二行末字「耶」，〔資作

「邪」。

一 一八九頁中二行第三字「絕」，〔資、

磧、普、南、徑、清作「捐」。

一 一九〇頁上九行第三字「上」，諸

本作「生」。

一 一九〇頁中一〇行第一〇字「間」，

〔普、南、徑、清作「漏」。

一 一九二頁上九行「微妙」，諸本作

「寂微妙」。

一 一九二頁中六行第三字「大」，諸

本作「丈」。

一 一九二頁中一八行第六字「非」，

〔徑作「作」。

一 一九三頁上一三行首字「喜」，諸

本作「善」。

一 一九三頁中三行第七字「說」，〔資、

磧、普、南、徑、清作「諸」。

一 一九三頁中七行第五字「意」，〔資、

磧、普、南、徑、清作「音」。

一 一九三頁中二一行第一二字「王」，

〔石作「主」。

一 一九四頁上七行末字「比」，〔南作

「此」。

一 一九四頁上一一行第一二字「上」，

〔徑、清作「止」。

一 一九四頁上一八行「但聞」，〔資、磧、

普、南、清、麗作「得聞」；〔徑作「得

門」。

一 一九四頁中一一行首字「知」，諸

本作「知智」。

一 一九四頁下二二行第七字「瞬」，

〔資、磧、普、南、徑、清、麗作「瞬不」。

一 一九六頁中卷末，〔石有題記「大金
國天會十年五月三十日成造」。